

الشاعر المهندس حسن الجزائري

(وداعي للأخو) ^(٦)

وداعي للأخو بهاي المسيّيه

وداعي يا علي حامي الحميه

أخويه حسين مظلوم يبويه أحضرنه هليوم

وداعي يا علي حامي الحميه

(٦) كُتِبَتْ بمناسبة ذكرى استشهاد الإمام الحسين (عليه السلام)، انتهيت من كتابتها

يوم الأربعاء/٢١/١/٢٠١٥.

آنه زينب آنه بت سيد البريه

لُونْ دهري يجتّفي سبيه

عُكْبْ جدّي وعُكْبْ أُمّي الزجيه

وعُكْبْ طبرة علي حامي الحميه

يريتك يا علي تشوف الرزيّه

تعاينّي وأخوتي اعله الوطيّه

وداعي للأخو من قطعوا الراس وداعي للأخو أنده يعباس

وداعي الثغره ملچوم يبويه أحضرنه هليوم

وداعي يا علي حامي الحميه

يحيدر خيمتي اذكّرني بالباب

تذكّرني ابوديعة بليلة مصاب

يبويه هم صعب من تُفكّد احباب

والاصعب من تشوف بجسمه الخضاب

أُصّب دمه اعله دمه وأبدي العتاب

وأقبّل صدره واسجد فوگ التراب

وداعي للأخو والمُهره عطشان وداعي للأخو اللّٰي بصدرة قرآن

وداعي وگلبي مهموم يبويه أحضرنه هليوم

وداعي يا علي حامي الحميه

سمعتك يل گمر طايح تغيت

يخويه اللي حصل اعثر من امشيت

اعاين عينك ولچفوفك ابجيت

سكينه تگلک ارجع يل وفيت

اجيتك يل ابد ما ظنك انسيت

نساء وعايله عطشانه بقيت

وداعي للأخو لمكطع چفوف وداعي للأخو الجسمه امتله سيوف

وداعي وأرتجي أيگوم يبويه أحضرنه هليوم

وداعي يا علي حامي الحميه

وَكُفَّ سَبْطَ النَّبِيِّ وَأَتَغَيَّرَ الْحَالُ

بَعْدَ عِزِّ وَخِدْرِ گَادُونِي بِحَبَالِ

شَفَتْ خِيَمَهُ أَحْرَكَوَهُ وَبِيَهُ أَطْفَالُ

وَأَشُوفُ أَعْلَاهُ الثَّرَى أَجْسَادُ الْإِبْطَالِ

تَرَكْتُ الْمُصْطَفَى وَدَمَ سَبْطُهُ السَّالِ

يَعَايِنُ رَأْسَهُ لَنْ فَوْكَ الْقَنَا أَنْشَالِ

وداعي للأخو الرّاسه على أرماح وداعي للأخو مِنّ المِسْك فاح

وداعي الذبخته الگـوم يبويه أحضرنه هليوم

وداعي يا علي حامي الحميه

ادور أبكربله عن أخوتي وين

كظوا فوك الثرب وأبلايه تكفين

كفيلي يم نهر وأبلايه جقين

واعاين لن سهم نابت على العين

بگيت أنه وحرّم ننظر للحسين

صريع ويفتيدي دم نحره للدين

وداعي للأخو من سحگته الخيل وداعي للأخو من چلچل الليل

وداعي الجسمه مهشوم يبويه أحضرنه هليوم

وداعي يا علي حامي الحميه
